

مرکز تۆزۈپ :
باب عالی جاده سنده (اتحاد
تجارت) كىتخانهسى

آبونه بدلى :
سنة لىكى ۱۰۰ غروش
آلتى آلتى ۵۰
مالاك اجنيه ايجين ۲۵ غروش ضم
اولونماليدر .

آبونه قىدى معامله سى هر سته نك بونجى
وايكىچى آلتى آلتى اعتباراً اجرا اولونور

دىنى ، علمى ، ادبى ، اېتماعى

مخمس

۱۳۳۸

مجموعه سنا (مبشرى)

صاحبى ، مديرى ، محررى :



اداره خانه سى :
بايزيد جامع شريفك تربه قاپسى
قارشيسنده

اسلامك نفعنه خادى مقالات
مى الت شكر قبول ونشر اولونور
يازانك شخصيتى دكل ، يازينك اهميتى
نظر دقت آلتىير .

كان يازيلردن شايان قبول كورولنلر
تاويح ميراسيله درج ايدىلير .

كوننده ريله جك آثار ، اوقوناقل
ومختصر جه يازيلشر اولماليدر .

فى : غروش

۱۰

رمضان

۱۳۴۲

جلد

۴

عدد

۴۷

محفل دینی و علمی :

رمضان المبارک :

ای آینه نور تجالسی مظاهر

ای شعله حکمتی هر ذره ده ظاهر

ابتدی رمضان لمعه سی آفاقی منور

محتاج او، هدی نورینه انفسده بصائر

نجی الیوم رائف

دین اسلامده کی اوروج بورجنک زمان ایقاسی

اولان شهر مبارک حلول ابتدی .

جناب حق، اهل اسلام حقده متین و حسن

امثالک ادرا کیله اخوان دینی مسرور ایله یه .

بورمضان شریف، مسلمانلقده کی شهر صیامک

۱۳۴۰ و محفل مجموعه ناجیزینک منتشر بولوندینی

اوروج آیلرینک ۴ نجی دوره سیدر . مجموعه نک ۱۱،

۲۳ و ۳۵ نجی نسخه لرنده ، خصوصیه ۱۱ نجی

نسخه مخصوصه ده رمضان و متعلقانه دائر تفصیلات

لازمه واردر . تمجید بلاوی حاله کتیرمه مک ایچین

او تفصیلاتی بوراده تکرار اتمه یه حکم . اعتیادات

قدیمه نی اوکره مک مراقده بولونانلر اولنسخه نی

مطالعہ بویورسونلر . یالکیز شوقدر سویله یه حکم که :

رمضان ، نظر اسلامده واجب الاحترامدر ،

چونکه شهر صیامدر . ۱۷ نجی کونی پیغمبر اکبر

افندی مزه نبوت کلدیکنه و (اقراً) سوره سنک اولندن

برقاج آیت نزول ایتدیکنه مصادقدر . مشهوره

کوره ۲۷ نجی کیجه سی - (خیر من الف شهر)

ستایش ربانیسنه مظهر اولان - لیله قدردر . اولی

رحمت ، اوسطی مغفرت ، آخری جهنمدن خلاص

زمانی اولدینی طرف نبویدن اخبار بویورولمشدر .

اوروج طوتانلرک یمه دن ، ایچمه دن علاقه نی کسمش

اولملاری طولانیسیله کوندوزلری عالم ملائکه نی

آندیریر ، کیجه لری جوامع و مساجدک تنویراتی ،
فضای کواکبک سطح زمینه اینمش اولماسی کی برخیال
اویاندریر . بناء علیه بویه مقدس بر آنک قدری
بیلیمه سی و عظم شانک لایقی وجهله توقیر ایدیله سی
لازمدر .

ذاتاً ارباب اعتقادک بولوزومی تقدیر و تطبیق
ایده جکمنده شبهه یوقدر . صیامک فرضیتنه اینانمایانلر
و آج طورمق زحمتنه قاتلانمایانلر وارسه اوکیلرک
ده اوروجلولره فارشی حرمت ، خصوصیه ملل
غیر مسلمه نظرند زو اهری اولسون محافظه یه
همت مقصده یه شوراده ، بوراده ییوب ایچمکدن
توقی اتمه لری انسانی و ملی بر معامله اولور .

ظاهر الطولی

استفتا و افتا

بولغارستانده کائن یکی بازار قصبه سی مسلمانلری
نانه (محمد شکری) امضاسیله محفل اداره خانه سنه کان
برمکتوبده بعض سؤالر ایراد ایدیلش ، ورقه مرسله
عیناً شورای افتا ریاست علیه سنه بالتقدیم اجوبه لازمه نک
اعطا بویورماسی نئی اولونمشدی . ریاست مشارالیها نئی
واقعی نظردفته آلمش . ولزم کان جوابلری تحریر و تسییر
ایله مش اولغله مع لشکران و بروجه زیر درج ایدیوروز :

شورای افتا ریاست علیه سنه

نشر ایتکده اولدیغ محفل مجموعه ناجیزی
اداره سنه ۲۷ سؤالی حاوی اولمق اوزره بولغارستانده
شمعی به تابع یکی بازار قصبه سی مسلمانلری طرفندن
برورقه ورود ابتدی . بر قسیمی پک طفلانه اولان
بوسؤاللرک بوراجه ده دینی و تاریخی اجوبه لازمه سی
ویریه بیلیرسه ده صلاحیت افتا مقام فضیلتلرینه عائد
اولدیغدن ایجاب ایدن جوابلرک اعطاسی و محفل
واسطه سیله سائللرینه ابلاغی منوط رأی رزین

فضائلنا هیلریدر. ورقه مرسله عیناً ولفاً عرض
و تقدیم قیلیمشدر اقدم حضر تلی .

۲۹ شباط ۱۳۴۰ طاهر المولوی

ذیلًا جواب : $\frac{۸۲}{۵۶}$

افدم

سؤال ورقه سنده محرر مسائلدن اون سکز
مسئله به جواب تحریر اولندی . باقی سؤاللارک
بعضیلرینه جواب ویرمک سؤاللر کی عبث ایله
اشتغال اولدیضدن جوابندن صرف نظر ، دیگر
بعضیلری دخی تاریخه عائد اولمغله جوابی ذات
حالیلرینه ترك اولوندی .

۲ شعبان ۱۳۴۲ و ۸ مارت ۱۳۴۰

هیئت افتائیہ رئیسی

توفیق

$\frac{۴۵}{۳۰}$ بلغارستانده شمی به تابع یکی بازار قصبه سی
مسلمانلری طرفندن یکرمی یدی سؤالی حاوی
استانبولده محفل مجموعه سی اداره خانه سنه کوندریلوب
محفل مجموعه سی صاحبی طرفندن کوندریلن ورقه
مطالعه اولنه رق مذکور ورقه نك اون سکز سؤالنه
ویریلان جواب :

۱ — جمعه نمازی شرائطی تحقیق ایتدکده
اقطار جهانده موجود بالعموم مسلمینه بالاتفاق
فرضدر . جمعه نمازی ایچون خطیب تعیین اولنان
قریه اهالیسنده فرضدر . بلغارستان و امثالنده
معاهده موجبنجه جمعه نمازینه نسبتله سلطان ، تورکیه
حکومتک رئیسدر . معاهده موجود اولمیان یرلرده
مسلمانلر خطیب انتخابله جمعه نمازینی ادا ایدرلر .
جمعه نمازینی قیلانلر احتیاطاً ظهراخیری ده قیلارلر .
قیلماسه لر جمعه نمازینه خلل کلز . جمعه نمازی فرض
اولان یرلرده جمعه نمازینی قیلمايانلر اوليله نمازینی
جامعته قیلمازلر . جمعه نمازینک وجوب و اداسنک

شرطلری (دریکتا) و شرحنده و سائر کتب
فقهیه ده مفصلاً میندر .

۲ — میتک عبادت واجبه دن بورجی اولوب
دور ایچون وصیت ایتمش ایسه وصیتی وجه مشروع
اوزره تنفیذاولنمق لازمدر . وصیت ایتمامش اولوب ده
ورنه دن بری تبرعاً دوری یا پارسه جائز اولور .
دور حقنده معلومات کتب فقهیه نك قضاء الفوائت
بجشنده مفصلدر .

۳ — صباح نمازینک سنتندن غیرى نافله
نمازلری بلاعذر قاعداً قیلیمق جائز اولور . بونوافله
سهواً تأخیر قیام تأخیر قرائتی مستلزم اولمغله سجده
سهو لازم اولور .

۴ — بر جاعتک معین برکونده مثلاً صباح
نمازلری قضایه قالسه اونمازی جماعتله قیلمازلی
جائز اولور . صباح نمازی اوکونک زوالندن اول
قضا اولنورسه سنتیه برابر قضا اولنمق لازمدر .
سنت دخی قضا نیتیه قیلنه جقدر . زوالدن صکره به
قالورسه یالکیز فرض قضا اولنور . سنت قضا اولنماز .
۵ — صلات و ترك دخی قضاسی لازمدر .
قضا نمازلرینک هانکی کونه عائد اولدینی معلوم ایسه
مثلاً ک اول قضایه قالان صباح نمازی ، یاخود
الکصره قضایه قالان صباح نمازی دیه نیت اولنور .
دیگر نمازلرده بوصورتله نیت اولنور .

۶ — بلغار عسکرلکسنده ترك اولنان فرض
و واجب نمازلر و اوووجلرک دخی قضاسی لازمدر .
نمازلر قضا اولنورکن بدایقنده اذان و هر برنده اقامت
سنتدر .

۷ — قرائت قرآن کریم حد ذاتنده عبادت
اولمغله ذخر آخرت اولمق اوزره قرآن اوقومق
مشروع و مسنوندر .

۸ — حالت نزعه دن بولنان کیمسه نك یاننده
اولنه قدر ، کذلک بعد الوفات غسل اولندقدن

قبرستانه دفن اولان میت بالکلیه چوریمکله طوپراق اولوب قبردن اثر قالمادقده اوزرینه بنا یاماقده باس یوقدر . لکن دفن اموات ایچون موقوف اولان قبرستانه بنا یاماق جائز دکدر .

مهر :

نور کیم جعفر وریقی

ملنی شرعیه و اوقاف و کالتی

هیئت افتائیه سی

تفسیر لر - مفسر لر

بر مفسرک بیلیمه سی لازم اولان علوم

کچن نسخه دن مابعد :

۵ - (معانی) . ۶ - (بیان) . ۷ -

(بدیع) علملریدر . بونلرک اولکیسی سایه سنده تراکیب کلامک افاده معنی جهتدن خواص و مزایاسنه و قوف حاصل اولور . ایکنجیسیله تراکیب کلامک دلالتک وضوح و خفا حسیله اختلافی جهتدن خواصنه و قوف حاصل اولور . اوچنجیسیله کلامک تحسین و تزیینی طریقلرینه شعور حاصل اولور .

اشبواوچ علم ، علم بلاغتک بر مجموعه سی اولمقله برابر هر مفسرک جیب اندیشه سنده اساسی بر طرزده بولوندر و لماسی واجب اولان علومک اک بویوک رکنلرندندر . چونکه مفسرک بهمه حال اعجاز قرآنک مقتضیاتی دائماً پیش ابتصارنده بولوندر و ماسی لازمه دندرکه بوده انجیق شو اوچ علم سایه سنده رهین ادراک اولاییلر .

(سکاکی) مرحوم . اعجازک اوپله بر شان و ماجرای ضربی واردرکه شایان دقتدر . ادراک اولونورده بوکا رغماً وصف و تعریفی ممکن اولاماز . ناصیلکه اوقونان بر شرک و زناً استقامتی بیلینرده تعریف و توصیفی ممکن اولاماز . اوخصوصده حکم و تمیز ، آنجیق ذوقکدر . اودوقک تحصیل ایچون

صکره قرآن او قومق جائز و موجب ثواب و فضیلتدر . ۹ - تلقین شرعاً ممنوع دکدر و بین المسلمین متعامل و مستحسندر .

۱۰ - منکر و نکیرک میته ربندن و دینندن و پیغمبرندن سؤاللری دلائل سمعیه ایله ثابتدر .

۱۱ - جناب رسالتاب اقدیمز حضرتلرینک حال یقظهده بدنیله برابر مسجد حرامدن مسجد اقصایه اسراسی آیت کریمه ایله ، نمایه عروجی خبر مشهور ایله ، دیگر عوالم علویه به سیری خبر آحاد ایله ثابتدر .

۱۲ - اصحاب کهفک قرآن کریمده بیان بویور و لدینی اوزره طول مدت اویویوب اویاندقلری معلوم و حال حاضرده میت ویا اویقوده اولدقلری غیر مجزوم اولغله بونک کیفیتله اشتغال ایدیلمک احتیاطه اوقدر .

۱۷ - قوشاقسز و بوسکولسز نماز قیلیمق جائزدر . پوته و آتسه قارشى نماز قیلیمق مکروهدر . ۱۸ و ۱۹ - قرآن کریم دائماً موقع احترامده بولندولمق لازمدر . بناء علیه غزته و دیوار تقویملری کبی آیاقلر آتسه آتیه جق شیلره آیت کریمه یازمق جائز دکدر . اجر تله قرآن او قومق جائز دکل ایسهده قرآن کریم اوقویانلره رضای باری قصدیه عطیه ده بولمق جائز و جالب مثوبات عظیمهدر .

۲۰ - مصحف شریف کنار ویا آخرنده یازیلان ختم دعا لرینک بعض فقره لری مألاً قرآنه موافق ایسهده قرآنندن مترجم دکدر .

۲۵ - قرآن کریمده مذکور و اعماله متعلق بعض احکام ، حکمت الهیه مقتضای اولمق اوزره دیگر بعض احکام ایله منسوخ ایسهده قرآن کریمک لفظ شریفی و قرآنی جهتدن بر حرفی بیله منسوخ دکدر .

۲۷ - دفن اموات ایچون وقف اولنمیان